

榭
邱
詩
下



椒丘詩卷二目錄

乙未丙申丁酉戊戌

計一百九十九篇

乙未元宵同諸公夜集椒署

李闡然劉範修孫玉屏胡信山楊蕃升

春夜飲胡信山齋中醉贈梅溪二仲

再和梅溪寄答

容城諸君子結社靜修祠月之二日不速而集

贈天台令劉範修初度

處士楊玉川忠愍冢孫也年七旬矣携酒就飲靜

修祠朴直有家風忠愍舊諸城令故紀之



仲春九日爲靜修先生誕辰邑人歲有祭薦同社

景從 題淵明對酒圖

張季鷹翰 葛抱朴洪

乙未仲春花朝初度謝二三子過飲四首

李燁蕃下第 慰介蕃李仲子

清明對雨西亭載酒 宅西隙地分植菘菊

上巳同社絜壺殮會靜修祠松下

三月望日同諸友謁劉靜修先生墓

暮春集楊蕃升西園 送楊蕃升廷試

問答二三子 堪嗟

晚雲 殘月

花陰 柳絮

藕泥 松雪

菊露 梅影

胡信山招集逸園同劉範修楊搏九四首

陳善百訪客容城去志未遂四首

答張恣公金方籀二孝廉

次深澤廣文顏駐景 約介蕃遊楊子園

靳石渠邑侯招飲時以讀禮將歸

初夏客過西亭待月次前韵柬胡信山四首

乙未榜後賀薛衛公進士兼呈宗伯行塢老師

白塔寺聞鶯 雨中斷火寄介蕃醇生二首

送張子醇生遊學祁陽

賀劉子延進士選擢史館

李龍袞給諫抗疏寬東人之禁流徙遼東寄別

寄呈楊猶龍學士

五日集七子靜修祠晚過西亭

丙申正月齋

萬壽表入都紀事

張坦公方伯自浙藩入覲遇于天寧寺二首

薛宗伯大理石屏山水歌

寺松下逢學士方坦菴先生

上賜劉相國 御畫山水人物工絕百代因各贊一絕

紀其遭逢之盛四首

上賜諸畫頒戴司農各賦一絕七首

薛宗伯大理石屏贊

見傳掌雷廷尉同申鳧盟殷伯巖登岱詩因懷鳧

盟次韵 傳廷尉招同喬文衣夜宴觀家樂

上劉閣老南海子隨 駕 時解貂賜長公君勉

楊猶龍外遷晉中觀察候別安肅雪中不及

都門再逢白仲調 謝高少宰索詩贈序

天寧寺別浙藩張坦公先生

姜二濱宰元城遙寄酒錢以詩答謝

寄馬閔徠廣文 丙申二月初度獨酌二首

李琳枝侍御招同邑諸子觀赤松劇

黃心甫扶輪廣集成喜海內同社各歸大雅

清明陪邑侯施元引同社諸子再謁劉靜修墓

咏木蘭將軍廟 木蘭女子代父戍從征得軍功授官不仕以孝養終謚武烈將軍廟

在真 送胡梅溪之粵令香山

夢宋荔裳聯詩 答孫鍾元徵君自蘓門寄懷

遙和宋荔裳胡蒼恒遊同谷杜陵草堂諸詩

挽任文水大司寇 罵逆闖瀕死不遂

四月初六日准假省親回東武

過德州宿羅侍御西軒

過昶突泉張方伯重修白雪書院

宿郎侄遷居石門 酬劉斗酌贈韻

張舉之員外湄園招飲

訪劉藥生友生遇陳師黃夜集 師黃以丁篆名

宴李五絃司寇宅觀姬樂

贈別李琳枝侍御巡吳松二首

讀楊太史且亭秋響詩有懷二首

呈青州魏海鶴司理

丙申秋日次學士楊猶龍晉中秋響廿二韻

秋日施元引明府過訪四首

寄陸鶴田保定邑宰

懷劉閣老路遠無力寄詩

方坦菴先生同李琳枝席上獎予逍遙遊詩

雨中孝廉孫玉屏見招戲筆走答

玉屏借杯 往乏常借杯為質 雨夜不寐

別王敬哉雍師三年矣晉秩學士寄賀志感

秋日宿保陽忠愍祠讀馬市疏有感二首

十四夜施元引明府邀同前令宋公中庭賞月

中秋諸子持觴邀予就月於靜修祠者廿有一人

李茂弘白景修崔見夏宋洪儒宋合嵐崔見殷李吉瞻朱泗澤宋辰侯子慎行侍焉

十六夜施元引明府孫玉屏劉範修再集小亭

謝卜聖遊比部時未覲面

九日邀施元引明府看菊時蓮露釀熟

檄龍歌贈諸邑宰吳宗灑祈雨天井

白溝行飲屯長李家 就菊吟

捕逃行 秋盡寄劉西水候補大行 時納新姬

酬宋侯以射兔見遺二首

就菊齋謝施明府移尊夜集

寄懷李彭仲渭清諸同社

寄王盧南 山有虎行

祝大司農以少保告休恩賜家居二首

河無梁行 借馬行戲呈容城宰施君

行路難四章 誠子篇

獨憂 海舟無渡行

如夢 衰至

坐老 烟草行

准告後雪中臥病呈孫大行四律

雪後酬孫大行來韵時寓容城

雪後新安宰程敬之過索蓮露施邑侯亦至

丙申臘日迎春

丁酉元旦歲社祀

聖廟享餽邀施君兼示容庠諸生

人日思海上草堂 懷田淑殷

姜二濱以元城內遷給諫寄賀

寄薛衛公農部督倉德州 春酒

蔡荔裳自秦臬遷永平楊猶龍自晉藩移河南却

寄近懷

送保定王太尊赴青州兵憲予以屬吏借附版籍

早春卽事

途次荆塘驛見壁上申鳧盟題詩步韵於壁

陳謫公自揚州歸 世事答李燁蕃秀才

蔡中丞重修滕王閣徵詩遠不能寄丁酉入都門

得劉相國薛宗伯詩二章効顰四律

夜集張介伯齋中

送萬開來自東萊赴溫處兵憲

給諫張謙明招同趙錦帆席上改予號為鐵鶴贈

詩卷謝 贈趙錦帆比部二首

魏石生都憲留佳都門訂修隱史未果

題祝太保築呂仙閣次呂仙贈祝公韵二首

出都別劉相國

葉介卿浙儒留寓燕南索詩為贈

歸鶴吟寄明空大師

呈魏維明都諫 舊同事淮上國變後公自浙內召 首疏薦予未果行

湯忠愍蚺蛇膽劇成傅掌雷總憲易名表忠

日長無事欲擬楚騷為曲名酒離騷未成

容城康秀才開酷醉贈 卽事

種竹乞栽寄楊蕃升

新安崔成一孝廉再過談詩

七月朔日携酒過施明府醉飲至曙

明空自丙戌出山十年矣丁酉自渠丘回山再修

蒨業 秋雨水漲自新安泛舟至保陽

宿新安陳司訓齋 過何晉侯野居 晉侯知藥理

中島照自廣平以岱遊詩托馬旻徠訪寄

李琳枝巡江南被逮獄中同飲

同謝獻卷令方籍錢子清飲陳善百齋中

路匪之舟次保定守薛公惠詩

過新安宿程敬之署中 公寧陽人

贈新安王五修茂才 匏瓜詠并序

陰雨歎寄呈魏石生傅掌雷二都憲

送陳西樊別駕赴新安郡丞

星漢槎記

陳西樊赴新安別駕贈端石為別憶與胡蒼恒太

守同盟易水今三年矣

送子沛弟赴毗陵闔

九月都門遇歸德宋牧仲因寄賈靜子 甲申淮上共事

劉相國招同曹錫餘庶常夜集

薛宗伯夫子招飲見桂花

方學士同邵村過松下求邵村畫

宿佟孚六齋中途桐城朱西長

別李琳枝和其獄中詩

薛宗伯夫子移酒慈仁寺對酌

入都辭官不果

劉相國席上送別周清樞司農告養東歸

賈聚五道子二孝廉招集 過金方籀論詩

秋盡候家信不至

保定途中遇馬閔徠還廣平訓

馮殿公自閩中使回紀詩甚奇因快之

酬殿公惠扇筆代嘲 寒士吟為李价蕃作

喜門生楊嶧廷登科 擬和杜陵咏物諸作

雨中同張志公顏駐景劉長馨集賈羨署齋

謝獻菴將赴常州別駕同趙文成飲別保陽

行至荆塘賈聚五馬上追送和詩次答

聞大內徵予表忠劇副憲傅君遣索原本

呈劉相國憶昔行 紀夢

白醉行戲贈白景修并同席諸子

同李公傑孫禹甫載酒過孫君健懷徵君

冬暮寄劉相國 時馮中堂欲進呈表忠記

楊猶龍自移藩蜀中

送張文峰使蜀頌 詔寄楊方伯

戊戌起

燕中初度自壽戊戌二月十六日

都門胡愚也旅次逢孫維一孝廉同榻次答

二公皆淮

入海

徽歛黃山座苦丁茶味甚清冽

椒丘詩卷二

乙未丙申 丁酉

鉅鹿楊思聖猶龍

兩先生閱

萊陽宋 琬荔裳

東武丁耀亢野鶴甫著

乙未元宵同諸公夜集椒署

李閻然劉範修孫二郊 孫玉屏胡信山楊番升

僻暑城隅燈火微良宵空歎聚星稀官貧莫厭糟醕薄

客樂能消苜蓿饑野馬虛遊堪翫世海鷗不下愧忘機

春來准擬同尋勝短笠長鎰未許歸

寂寂空城月半明老人懶逐少年行門前市鼓來驚座

簷下風燈自引觥。文酒漫成河朔飲。壺漿常感道傍情。諸君林臥皆高侶。薄劣堪尋吏隱盟。

春夜飲胡信山齋中醉贈梅溪二仲

老去追歡興已非。愁來招飲未能違。山城隔市辛盤盡。春社新年酒伴稀。高士一時推叔度。謝家諸弟得玄暉。亦知久客渾無賴。看竹經旬醉不歸。

再和梅溪寄答

此夜占星識少微。窮年煑石面仍肥。客情對雪清無盡。旅夢忘家醉不歸。門外青山春易到。囊中白羽老難揮。

靜修祠畔東鄰社。丁亥集成和者稀。

客城諸君子結社靜修祠。月之二日不速而集。

高士祠堂柏樹森。逶迤小巷近招尋。先民不累金元代。我輩難忘晉魏心。無意渡江休作賦。有人進酒許長吟。相期曳杖頻來往。春水荒城聽暮禽。

渡江進酒皆靜修事

贈天台令劉範修初度

回首天台瀑布飛。石梁猶駐赤霞暉。曾因仙令分靈藥。擬駕長風換羽衣。甲子幾經滄海變。行藏未許故山違。應知拾得多饒舌。岩下豐干識也非。

處士楊王川忠愍家孫也年七旬矣携酒就飲靜
修祠朴直有家風忠愍舊諸城令故紀之以贈

名賢遺系典刑存黃髮山癯道氣敦家譜頌文存史錄

遺囊疏草寄招魂玉川家藏忠愍手疏稿在 鼎彝隔代人猶古祠宇

傳家世共尊潦倒浩然堪仰止瑯琊舊治近青門

仲春九日為靜修先生誕辰邑人歲有祭薦同社

景從

野薦挈壺追海籌高賢歲月老松楸龍眠不破希夷夢

鶴唳猶期華表遊濁世誰能全大璞浮名真愧對靈修

諸君接迹依蘋藻此地春風樂未休

題淵明對酒圖

彭澤非酒人胸中有別故典午鼎將移縱飲托孤趣觀

其詠荆軻雄心隱深慄折腰亦何嫌去留非所忤把盃

寄遠神似與羲皇遇鄉里多小兒傲睨何足數

張季鷹翰

季鷹畏時艱托志渺雲漢尊鱸何足慕掛帆等幽窳知

幾苦不蚤高步隱明斷清江足釣徒扁舟寄蕭散落月

明遙汀細雨崩秋岸嘆彼大陸沉臨流遊汗漫

葛抱朴洪

葛翁遺世情。封侯非所好。金丹秘祖訣。冥風追玄顯。暫
婚鮑氏女。旋辭司徒召。勾漏請丹砂。羅浮隱雲嶠。著書
名抱朴。內外潛其妙。願躡天風臺。從遊窺秘要。

乙未仲春花朝初度謝二三子過飲

自決浮沉莫問天。休糧堪號地行仙。春風歲歲催花雨。
明月時時照綺筵。甲子不知三莢換。德星頻見一弧懸。
杏壇老子遊將倦。擬駕虛舟濟大川。

鄰翁春社醉新醅。載酒墻東結伴來。地近高陽多擊筑。

官如彭澤許啣杯。迢遞半是香山侶。濩落能收散木材。

汗漫浮生成底事。年年虛度杏花開。

北窓夢未到羲皇。高臥時聞橘柚香。世似蠅冥千古幻。
人隨蝸角一官藏。風花過眼春無影。霜劍蒙塵夜有光。
行樂不憑陵谷轉。溪山是處足壺觴。

曾生何必問猶龍。欲贈玄言媿話重。白日無心憑叱馭。
青山有路憶飛筇。漫從華表尋遼鶴。曾向崑崙種古松。
滄海已枯芝草盡。收來三十六芙蓉。

李燁蕃下第

春江水暖浪無花。莫爲魚寒負釣槎。佳夢不符成覆鹿。
奇文難售似搏沙。情如中酒多忘事。愁似投荒欲去家。
六息三年如一日。牛衣何用怨時華。

慰介蕃李仲子

艱難當讀古人書。奇字光寒有嘔餘。能識才名歸淡漠。
從來吾道耐籬條。硯田冬暖畊堪穫。墨陣春寒戰不虛。
最是窮愁天厚與。莫因貧病困相如。

清明對雨西亭載酒

客裡清明似夢過。年華芳草共蹉跎。閒亭過雨寒猶峭。

野館移尊醉易醺。一歲酒逢花事少。四郊鳩占鵲巢多。
名浮此地忘拘束。梁甫吟成取次歌。

宅西隙地分植菘菊

亭西有隙地。借寓亦從容。近井多芳草。凭垣剩古松。
菘○溪○分○水○曲○菊○圃○架○闌○重○每○憶○東○坡○句○官○閒○似○老○農○
寒食過微雨。閒園土氣香。喜無多種植。幸不負時光。細
細草生砌。微微花出墻。客來宜小摘。苜蓿莫經霜。

上巳同社挈壺殮會靜修祠松下

靜修宜靜客。酒社以茲名。薄脯惟兼味。清醪得二罌。松

陰盤磳便草。逕往來輕。被襖無今古。年華亦有情。

三月望日同諸友謁劉靜修先生墓

林外風塵野色昏。一觴親酌慰招魂。遄寧帶雨侵碑道。山鳥啣花傍墓門。賦就渡江心更晦。書傳垂室教仍尊。河流尚有迴瀾護。懷古傷時未可論。

暮春集楊蕃升西園

春過西郊綠影層。桃花風暖氣蒙騰。出闌紅藥香仍細。列岸青蘋根自澄。高臥著書忘令節。漫遊載酒累良朋。歸來枕上聽黃鳥。閱盡浮雲一曲肱。

送楊蕃升廷試

楊子忠愍之玄孫。百年俎豆承先恩。邊防國事代已改。二疏凜凜留精魂。家藏手譜字光炳。臨難濡墨皆血痕。當時先生蒞東武。西郭祠毀碑尚存。我生隔代失聞見。至今野老傳其言。容城偶來司苜蓿。與公之祠隔一垣。楊子問字時抱罇。青陽白晷今高騫。史傳事遠大節在。德厚食報皆有源。腰間環珮光璵璠。一飛萬里鵬與鯤。

答問二三子

剪雪雕虫我未能。靜中珠影照三乘。黃河到海流無盡。

華岳連天翠有層。鳥語花香春雨過。水窮雲起月華升。由來此道通仙氣。鶴路凌虛可自憑。

堪嗟

七尺鬚眉相對疑。居然同室隱危匱。從無腐鼠嚇鸞鳳。自咲青蠅集菘菘。投劍不聞周子悔。盜牛竟使彥方知。堪嗟道薄頑難革。一任春風掃地皮。

晚雲

膚寸隨風捲南山。出不歸丘陵逐影變。蒼白類形微釀。雨陰難定從龍願。已違去留何濡滯。翻覆蔽殘暉。

殘月

殘月照窻晚。流光一隙過。魄寒收紫暈。鈞淡寫銀河。片影山川盡。虛輪障翳多。猶能透江水。曲曲亂清波。

花陰

葉密香難見。林疎影易分。如何枝折折。忽度月紛紛。照水迷魚路。侵堦亂鶴羣。夕陽搖不定。掃破綠苔紋。

柳絮

底事因風起。無端自去來。依垣隨落葉。逐馬傍浮埃。細雨粘仍住。游絲漾不回。飄揚如爾意。黃鳥莫須猜。

藕泥

塘水清無滓。蓮根未脫泥。魚天搖易亂。鷗影照難迷。香入浮筩碧。秋歸墜露低。亭亭原不染。明月滿濂溪。

松雪

不借苦寒力。安知丘壑尊。龍鱗因凍起。鶴骨帶水蹲。萬木憑歸宿。孤陽正鬱屯。茯苓千載事。天地鍊精魂。

菊露

金英不滿把。玉露正堪飡。色借三秋晚。香生九月寒。明珠光的礫。白月影團欒。採掇忘遲暮。為霜足自寬。

梅影

未識香歸處。還疑月掛墻。鶴來分半瘦。花外得餘長。冉冉燈移壁。珊珊雪臥床。扶疎吹不動。遺照滿琳琅。

胡信山招集逸園同劉範修楊搏九

郭外招尋歛。閑園客到遲。茶觴先榻具。墻墨與亭宜。水近冬魚鳥。春深長麥葵。莫移白鹿几。二仲日追隨。步屨看花落。南園菜甲齊。市通沽酒路。泉過種菘畦。茅屋容真率。高人足雅棲。不嫌頻倚仗。永日聽鷓啼。向晚頻移席。傾壺咏醉樵。盧投爭角采。酒淺屢呼瓢。幘

履忘羈束蓬蒿散鬱陶。杖頭互作主日暮近相邀。
脫帽還長嘯辟疆五畝園無妨貧好事有興醉忘言抱
瓮看移薤援琴賦採蓀感君多古意此地卽丘樊

陳善百訪客容城去志未遂

不渡剡溪水何知雪滿船人歸楓落後興返月明前
厨冷分拳蕨春深送楚鶻松風聽謾謾所得已難傳
支靖松祠下白雲隱故侯山空勞採木魚盡咲回舟
豈不因人熱詩能爲我留嗟來誰可就濁酒減羶裘
黃鳥歌伐木伊人到有聲未聞迎趙壹能不過袁閔小

榻欣呼黍高軒避憂羨綈袍因自審回首古今情
落落邵陵圃青門春又過求人鷄肋少留客馬韉多
隔徑花難待封泥酒易醅高陽知己在彈鋏爲誰歌

答張忞公金方籀二孝廉

天涯風雨隔中原爲秘龍光劍尙存自愛鷲花供好句
漫勞詩酒慰消魂經厨卒歲炊無火米瓮藏妻臥有禪
薇蕨不生邊塞地隔溪相望種蘭蓀

次深澤廣文顏駐景

春寒花落靜芸香破壁星文隱繡芒問字有人皆脉望

及門無地不荒莊○愁來風雨詩盈帙○別後山川月滿梁○
相對牛衣應自奮○肯將垂泣効王章○

約介蕃遊楊子園

連宵風雨念饗殮○隔壁孤檠有靜存○人倚蒿垣窺大易○
鳥來楊苑問玄言○起予下榻詩將細○率爾敲門酒半溫○
西郭藥闌開也未○夕陽徒步引芳樽○

靳石渠邑侯招飲時以讀禮將歸

山縣春歸不盡春○扳轅此日惜驅輪○
花本留人吹更頻○蔽芾有歌應勒石○
蓼莪無語自沾巾○

年來設醴情何限○別後應知鄭子真○

初夏客過西亭待月次前韵東胡信山

亭隙植菘菊○閒行負杖遲○客因慵共聚○官與靜相宜○
酒分新蕨烹魚帶○旅葵天韜吾已解○安得務光隨○
久契蒙莊理○方知物本齊○高低花落樹○流止水成畦○
老知春去人來問○野棲年荒愁穡事○布穀傍城啼○
巷僻烟常斷○蕭然似野樵○灌園忘墮甌○掛樹尚留瓢○
白○憤拋常慣青醞酌○自陶藤花深處月○客過醉相邀○
墻東人自在○蒿逕共荒園○濁酒無愁事○孤琴有靜言○

能分橘柚吾亦種蘭蓀。草滿城隅路何須。插柳樊

乙未榜後賀薛衛公進士兼呈宗伯行塢老師

河東毓鳳毛。歲蕤赤霄姿。丹穴煥天采。時至翔光儀。文章足華國。積慶福所綏。一堂纘祖烈。四世開鴻基。宗伯本豁達。天性廣推慈。所以海內士。步塵惟恐遺。採葑收菅蒯。愛物傾肝脾。自慚雕朽質。常抱國士悲。桴菴鄰陸舫。朝夕時披帷。金昆而玉友。歌咏兼盤嬉。伯也勇可賈。太阿光龍螭。仲也精而美。叔則雄且疑。季弟最精悍。機鋒避鉞鎚。四君各有肖。溫慤如吾師。遂入芝蘭室。不畏

老醜。嗤憐余。臥冷署。寄言時。相思羨君黃鵠舉。千里不可追。悠悠江海客。浩蕩安能期。

白塔寺聞鶯

花雨邊城少。春鶯隔夏聞。塔陰高卓午。麥浪野堦薰。樹密窺難見。風和聲易分。故山烟樹曉。常羨爾為群。

雨中斷火寄介蕃醇生

朝來聽雨起偏遲。隱几觀空午未炊。彭澤扣門言易拙。黔敖蒙袂氣難衰。禁烟不乞鄰家火。煮石能充季女饑。我自首陽毛蕨富。何妨請粟到氈帷。

東鄰斷火甑生埃。客臥荒籬未剪萊。幸不侏儒羞飽死。尚餘瓢箪免嗟來。年荒芻盡驢驕瘦。日暮倉空鼠雀哀。安得洛沙成白粲。康衢鼓腹遍埏垓。

送張子醇生遊學祁陽

年荒家食累就學免羸糧。吾黨求三益。良朋隔一方。山川開識力。風雨發詞章。莫漫耽詩酒。空群待驪驢。

賀劉子延進士選擢史館

滄江釣叟忘今古。臥看雷門霹靂飛。龍角光騰翻碧海。鳳毛翬映動黃扉。春風花鳥偏迎珮。絕塞風沙未拂衣。

應羨長安金馬貴。天涯無那故人違。

李龍袞給諫抗疏寬東人之禁流徙遼東寄別

聖主如天雨露均。地無南北盡王臣。哀鴻不散中原淚。得馬難憑塞上塵。故國幾年勞夢寐。寒岩一語見陽春。

擬謫寧固塔上自擇尚陽堡 羨君慷慨臨岐路。詩寄河梁各愴神。

遙聞天語開鞞鐸。能使丹楓引珮珂。罪孥民間哀詔少。

遷臣山左故人多。時左大來李吉津魏昭 無勞皂帽求

浮海。佇有黃麻召渡河。史閣已應留諫草。太平解網頌

洪波。

寄呈楊猶龍學士

亭亭天半雲。濯濯溪畔柳。嫋嫋清池藻。纖纖素女手。相
 隔絕。扳援相逢成。遠久天合無。親疏情深忘。賤醜詎意
 金闈彥。注意窮獨叟。人生感意氣。不在接杯酒。岱雲滿
 四澤。沾濡到培塿。

五日集七子靜修祠晚過西亭

靜祠月一過。社約春已夏。肴酒定有限。往來亦瀟灑。况
 值令節辰。蘭艾已盈把。少長具壺殮。落落長松下。興至
 尊易空。情真樂非假。知予春釀存。未忍問多寡。過園摘

畦蔬小聚類山野。浩歌待新月。莫作悠悠者。

丙申正月齋

萬壽表入都紀事

扶搖未定海天空。南北車書大道同。律轉冰霜陰晦外。
 春回雲物混茫中。玉壺照徹山河影。鐻笛吹殘艸木風。
 黃鶴近來消息渺。年年皂帽老遼東。

張坦公方伯自浙藩入覲遇于天寧寺

每以前期約。相逢車馬間。三年違雨雪。千里夢湖山。古
 塔聞鈴語。高雲送鳥還。吾生餘歲月。驚顧各蒼顏。

又

三公勞吏事。王命重驅馳。鞅掌君非故。羈棲我獨悲。吹臺風送客。梁苑月留詩。聚散皆堪惜。緇衣愧所遺。

薛宗伯大理石屏山水歌

畫屏不省烟雲起。海濤上接天河水。天開雲斷山互連。片石網緼藏萬里。米南宮黃子久丹青。亦自稱能手。不及石裡開生面。畫出玲瓏紫翠亂濛濛。小樹生層烟。曲曲廻流垂斷岸。大峯小峯如列鬟。白雲界出青苔斑。黝然深綠點峯頭。疑有洞壑仙客巢其間。以手捫之竟無

迹。膚寸之中恍千尺。石理不透面面殊。萬頃蒼茫開翠壁。更有一石如墨濃。黑雲急雨翻白虹。山頭半出露鉄脊。雲氣幻作雙飛龍。我昔曾入青霞洞。逢石破壁竟如夢。吁嗟造物化工不可測。請君叩之有人應。

寺松下逢學士方坦菴先生

長松古鶴望鬚眉。鍛下相看立許時。車上歐陽非識面。馬前賈島久知詩。雙童自照河山影。一木猶存霜雪姿。慚愧龍門收劍氣。鳳毛麟閣隔茅茨。

上賜劉相國 御畫山水人物工絕百代因各贊絕絕

其遭逢之盛

玉皇香案擁群仙。寶墨淋漓灑紫烟。一幅丹青通造化。太和春色滿山川。携琴沽酒醉相扶。寫出商山四皓圖。一自明王招隱後。山林應不著潛夫。芳草沿堤水不流。山人扶杖過溪頭。太平樂事家家見。比屋堪歌帝力遊。清時文采動遐荒。御筆遙分自上方。不用流民圖鄭繪。洪鈞轉處即羲皇。

上賜諸畫頒戴司農各賦一絕

老仙

問道傳聞河上公。軒轅遙授自崆峒。至今畫出僊人影。照徹乾坤壽域同。

鍾馗

野鬼何能排劍氣。威儀堪聳古衣冠。應知鍊面經神手。夜半高懸星斗寒。

寒梅

南枝總破見參橫。寒浦疎籬香暗生。冰雪從來春作首。

怪他結子可調羹。時冢君以榜眼選館

野菊

一枝霜竹照琅玕。為報東籬菊未殘。獨喜金盤承露冷。君王扶上玉闌干。

雪山叟

山叟騎驢背酒壺。聳肩吟處得詩無。長安瑞雪連冬冷。誰繪窮民入鄭圖。

玄理

捕雀蒼狸意已深。虎威蹲伏臥花陰。止緣社鼠人間盡。

自籬籬制野禽

葡萄

萬穗圓珠引古藤。仙人為贈玉壺冰。不知味比金莖實。解得相如渴未曾。

薛宗伯大理石屏贊

黝然而深。森然而出。天海風濤。知其化始。捫壁欲入。五岳在此。

見傅掌雷廷尉同申鳧盟殷伯巖登岱詩因懷是盟次韻

林○上○言○卷○二
讀○君○登○岱○詩○如○我○愧○我○懷○人○未○見○君○易○水○燕○山○但○春○草○
淖○沱○碣○石○空○白○雲○天○門○曳○杖○凌○日○觀○玉○峯○鑿○壁○開○星○紘○
安○得○駕○鶴○偕○禽○尚○下○視○九○州○青○氤○氲○

傅廷尉招同喬文衣夜宴觀家樂

三○年○不○見○傅○廷○尉○隔○屏○倒○屣○遙○相○呼○大○咲○高○士○執○手○板○
為○開○小○苑○傾○新○醪○紅○綃○歷○亂○歌○管○細○白○髮○頽○放○懽○聲○麤○
留○髡○燭○滅○香○夢○散○回○首○邯○鄲○愁○騎○驢○

上劉閣老南海子隨駕時解貂賜長公君勉

瑤○池○飛○駿○幾○時○回○翠○幃○黃○廬○向○曉○開○自○解○御○貂○分○侍○從○

遙○瞻○天○仗○隔○蓬○萊○丹○青○特○錫○君○王○手○翰○墨○應○知○宰○相○才○
出○處○自○憐○江○海○濶○騎○驢○蓬○笠○隔○塵○埃○

楊猶龍外遷晉中觀察候別安蕭雪中不及

客○路○期○君○雪○未○晴○追○君○不○及○隔○前○旌○薊○門○再○入○燕○無○馬○
上○苑○重○過○樹○少○鶯○芳○草○年○華○隨○世○速○浮○雲○宦○迹○遠○遊○輕○
晉○陽○一○望○連○天○碧○春○色○何○緣○接○玉○京○

都門再逢白仲調

白○也○才○名○海○內○傳○雄○文○高○義○重○前○賢○登○車○載○酒○遊○河○朔○
上○馬○看○山○過○薊○燕○把○臂○似○逢○名○士○嘯○掉○頭○頻○遇○孝○廉○船○

自憐南北風塵際○春草春花各闢妍○

謝高少宰索詩贈序

每逢夫子獨青眼○似惜騷人已白頭○詎有吳江堪摘句○
漫勞仙渡許同舟○豐城劍氣憐光暗○桐尾焦音負爨收○
我欲酬恩空感慨○監門日暮自夷猶○

天寧寺別浙藩張坦公先生

相從車下未從容○倚馬抄詩塔影重○北海至今傳雪照○
西湖何夢寄雲峯○江山不許留巢父○詞賦虛傳識李邕○
聞道彈冠徵岳牧○隔天尺五幾時從○

姜二濱宰元城遙寄酒錢以詩答謝

花署氈帷興未闌○十年離夢簇征鞍○知予久客詩名起○
羨爾為官酒政寬○沙麓月明歸雁渚○漆園吏隱釣魚竿○
鄭虔得遇蘇司業○苜蓿難酬范甌寒○

寄馬閔徠廣文

黃蘗嚼破瓮頭春○舞老腰肢學媚人○書滿雲香成異夢○
酒筍蓮露得仙隣○窮來司馬文仍富○老去元龍性未馴○
絳帳相望連北海○不知何地起垂綸○

丙申二月初度獨酌

百年影半閱虛舟。春水還疑泛野鷗。霧裡看花憐眼暗。
隙中觀日苦塵浮。江山路遠愁鴻雁。婚嫁心多歎馬牛。
彭澤官輕兒輩懶。蔡邕詩賦爲誰收。
年來齒髮經旬變。春到鶯花入興疎。漸覺蕭條千里夢。
不堪狼藉一床書。官橫瓦枕虛賒歲。家寄松樊別瓦廬。
未定行藏人已老。空勞造物笑居諸。

李琳枝侍御招同邑諸子觀赤松劇

澤山不散酒人星。燕市相逢眼倍青。百萬呼盧仍縱博。
十年斗酒未酹醒。赤松莫漫分仙釀。黃石何勞授素經。

君自爲霖從帝簡。予今荷鍤久逃形。

黃心甫扶輪廣集成喜海內同社各歸大雅

大雅徒聞遍九州。江南江北各風流。莫言聲氣山川異。
似有鬚眉夢寐投。楚璞不亾存漢魏。魯琴重續見春秋。
蟪蛄聲沸應知止。千里寒山月一樓。
不盡江山付古今。同時異代任登臨。才多偏讓前人學。
句巧翻輸拙者吟。金縷天孫知異錦。朱絃古瑟識元音。
由來至性無同調。碧海蒼茫各自尋。

清明陪邑侯施元引同社諸子再謁劉靜修墓

不盡餘懷古春風又一年白楊經代禿芳草向人偏感
慨猶山色留連白水邊城隅燈火近歸路入荒烟

咏木蘭將軍廟 木蘭女子代父戍從征得軍功授官不仕以孝養終謚武烈將軍廟

在真定

戍邊因代父朔塞廿年身豈少奇男子從無此婦人刀
環原晦迹纓紱豈榮身或少雄堪配低頭咲髯倫

送胡梅溪之粵令香山

別君萬里去春草正萋萋何事懷人遠桃榔越鳥啼羊
城通海曲粵嶂插天低為問珠崖水重來月滿溪

夢宋荔裳聯詩

夢裡仍為客同歌行路難山深杉柚煖江濶鶴鴛寒
雪摧龍劍秦雲老鵬冠莫嗟留滯久故國又摧殘

答孫鍾元徵君自蘇門寄懷

寒林清嘯憶孫登久欲從遊愧未能鴻雁不歸猶雨雪
鷺花南渡尚堅冰時堪續史千秋失道為狗人百感增
歌罷夜長天不旦中原烟霧一孤燈

遥和宋荔裳胡蒼恒遊同谷杜陵草堂諸詩

春草連天末高懷慰所思杜陵堂在否同谷景猶斯隴

樹花開日秦川客去時何緣逢二仲休和七哀詩
昨夜夢君至今晨寄我書傷時蜀道切懷古艸堂虛憶
爾嗟岐路及予問索居春風吹別恨重聚竟焉如

挽任文水大司寇

罵逆闖瀕死不遂

兩狂頻爾汝一別頓成哀出劫憐初志傷時枉大才談
文雙眼白把酒寸心灰魯洞苑花滿藏魂或去來

四月初六日准假省親回東武

不作絕裾去能忘繞膝懼路長歸夢急人老別家難霜
雪禁三載風塵滯一官牽衣念稚子未及倚闥看

過德州宿羅侍御西軒

海棠春盡過西軒猶憶長安舊瓦盆不得留連十日飲
空傳前路是平原

過趵突泉張方伯重修白雪書院

柳色泉聲湖上亭高樓新構客談經駝駝戰馬成宮署
糞積空堦戶不扃

宿郎侄遷居石門

憐爾才多不庇身年來飄泊尚依人輕拋蠟屨山中色
喜聽流鶯柳外春栗里田園空雨雪石門燈火憶松筠

相看氣骨仍千里莫使驪駒落後塵

酬劉斗酌贈韵

遠路乍歸渾似夢故人重聚說山陽
傾盃再訂松蘿約把筆如聞橘柚香
高士冠傳劉氏竹野夫門近鄭公鄉
應知別後多相憶海月杉陰滿笛床

張舉之員外湄園招飲

野水疎林郭外亭曉風吹柳露冥冥
小山叢桂招難隱別酒河梁醉易醒
豈不懷鄉因畏事非關謀食借談經
長安六載依棲慣岐路何緣眼倍青

訪劉藥生友生過陳師黃夜集

師黃以工篆名

吳陵別後悵離居雲樹茫茫未寄書
問字十年曾侍杖觀察中堂予皆師事之分符幾日復懸車藥生以穎元方久厠呼
前列米石何緣得起予露坐梅堂絲管動月明如夢到華胥

宴李五絃司寇宅觀姬樂

錦堂絲竹近天香畫閣新調大内腔
魚貫扶來紅滿座鶴翔舞罷雪為裳
遍求扇墨詩隨手自索杯觥酒溢腸
別後長安聲伎減東山高臥有絲簧

贈別李琳枝侍御巡吳松

帝簡備知訪直臣。丹書特起海東濱。牙冠再入言仍慙。
龍性孤行氣不馴。江草春深隨珮玉。波鯨風急借綸巾。
知君自愛芙蓉劍。護取虹光上紫宸。
紫髯碧眼照雙瞳。八尺昂藏氣更雄。是處馳威開道路。
此行鶴馭滿天風。濟川切莫輕舟楫。仗斧還應勒馬鐘。
記取江南頻雨雪。莫將仙渡等閑同。

讀楊太史且亭秋響詩有懷

雨霽高齋曉夢回。空梁明月美人來。碧雲影斷餘秋色。

白○鴈○聲○寒○送○楚○哀○室○久○虛○良○史○席○晉○陽○猶○滯○謫○仙○才○
薊○門○再○過○驂○騮○老○衰○艸○淒○迷○郭○隗○臺○
經○年○風○雨○隔○初○盟○歲○暮○丹○砂○煉○未○成○草○木○何○心○通○夜○氣○
江○河○無○地○不○秋○聲○武○靈○城○遠○邊○笳○急○豫○讓○橋○空○古○劍○橫○
莫○向○方○隅○苦○勞○滯○臯○夔○此○日○嘆○逢○迎○

上青州魏海鶴司理

雲門東望紫成堆。仙吏遙分河洛才。海岱盡歸水鏡照。
桁楊應化玉繩裁。鳳毛連璧文章起。豸斧開天劍珮回。
輿頌未能歌蔽芾。感君國士重蒿萊。

丙申秋日次學士楊猶龍晉中秋響二十二韻

朔塞多陰晦。秋來喜乍晴。殘陽猶帶暑。新月已孤明。豆
 莢盤墻色。荷珠滴露聲。今年詩興減。濁酒有餘清。
 旅食仍謀歲。官貧愛索居。名輕元魏史。道在老莊書。蟠
 木終溝斷。虛舟付野漁。故人江海去。玄草未應疎。
 六載京華路。騎驢晝掩扉。客狂緣酒寄。家累付蓬飛。竒
 字粘墻遍。清言倒屣稀。感逢楊得意。風雪每依依。
 虎橋開北榻。書帶隱空濛。蘭氣含秋馥。藜光接曙紅。到
 門童子引得句。小函通古道。今人少離羣。嘆轉蓬。

詎謂雲泥望。棲遲動隔年。草堂無二仲。竹里散多賢。河

洛星辰失。覺斯光生歿 江湖夢寐懸。同社俱外遷 廣文餘汗漫。種

帳日高眠。

已負青山約。難賡白雪歌。興因衰病減。詩為別離多。从
 任非簪綬。幽盟自葛蘿。晉陽天半遠。清夜夢常吶。

雪路期備後。滹沱冰自流。冒霜行載酒。落月已沉鈎。龍
 影追難及。馬聲嘶未休。歸來徒悵望。誰寄大刀頭。雪中夜行

候于定興至則過矣

眇眇予懷及。天涯少去踪。夕陽衰草遠。岐路幾人逢。秋

老○霜○前○鴈○山○空○雨○後○鐘○高○吟○何○所○寄○徒○倚○有○孤○松○
 世○路○仍○多○難○鷺○鳩○飛○自○低○知○予○遵○道○晦○不○作○向○人○啼○州○
 郡○方○牛○馬○江○關○正○鼓○鼙○一○官○啻○冷○淡○籬○菊○酒○仍○携○
 乞○假○遊○燕○市○酒○壚○舊○姓○黃○過○門○懷○笛○筑○分○手○失○河○梁○故○
 里○鳥○鳶○樂○良○朋○橘○柚○香○去○來○無○繫○戀○真○率○接○輿○狂○
 歸○省○三○
 月○還○署○
 久○欲○逃○形○去○羈○棲○戀○野○蒿○猪○肝○空○在○眼○鷄○跖○不○生○毛○日○
 暮○人○難○待○名○輕○計○枉○勞○鞞○鷹○思○振○羽○無○力○解○天○陂○
 聖○主○懷○明○作○三○公○重○外○謨○淮○陽○方○借○鎮○賀○監○未○歸○湖○獨○

鶴○投○林○靜○饑○鳥○失○食○呼○觀○棋○局○漸○促○柯○爛○咲○樵○夫○
 命○駕○思○千○里○懷○風○少○便○鱗○鄭○莊○無○驛○馬○梁○苑○不○留○賓○星○
 聚○空○河○朔○雲○逃○失○晉○秦○入○林○誰○解○組○高○臥○想○皇○仁○
 種○秫○今○年○熟○狂○歌○臥○野○雲○送○愁○憑○潦○倒○多○事○厭○聲○聞○白○
 髮○留○荒○徼○青○霞○惜○暮○燠○微○官○無○一○事○把○酒○意○何○勤○
 自○失○朱○文○草○難○尋○方○士○丹○鶴○歸○松○漫○滅○龍○去○月○高○寒○五○
 岳○空○投○杖○三○閭○不○墮○冠○居○然○迷○出○處○仍○作○釣○魚○看○
 小○艸○懷○山○志○高○齋○自○勒○銘○抱○琴○酬○鶴○怨○罷○釣○著○魚○經○溪○
 鷺○何○年○白○池○蓮○入○夏○青○詩○成○無○可○說○風○雨○閉○秋○亭○

元○化○何○時○定○秋○風○力○不○勝○劫○塵○吹○過○海○野○壑○欲○爲○陵○錯○
應○因○看○鳥○投○閒○竟○是○僧○不○須○憂○世○累○巢○曉○與○天○弘○
明○月○何○遷○次○秋○溪○落○晚○潮○登○高○堪○極○目○雲○浦○斷○虹○橋○野○
曠○餘○閒○牧○城○荒○納○晚○樵○懷○人○方○黯○淡○蘆○笛○一○聲○遙○
少○陵○非○怨○世○愁○苦○不○關○詩○自○失○夤○緣○術○非○關○放○廢○時○艱○
危○多○著○作○離○索○足○相○思○若○使○身○名○泰○離○騷○亦○不○悲○
所○遇○皆○秋○響○隨○蛩○作○苦○吟○山○川○迷○野○望○雲○日○盪○遐○心○憶○
舊○翻○成○帙○懷○人○理○靜○琴○無○風○憑○寄○與○鴈○影○過○寒○林○
苜○蓿○三○年○飽○食○貧○號○老○慳○詩○成○吟○咏○苦○官○冷○夢○魂○閒○鞋○

叟頻移地梁鴻亦出關相期惟健飯髭髮幾行斑

秋日施元引明府過訪

偶○來○松○下○一○科○頭○扶○杖○如○同○古○佛○遊○久○望○吳○門○疑○白○練○
喜○從○關○尹○識○青○牛○閒○書○蕉○葉○題○空○解○醉○折○蓮○花○下○釣○舟○
十○載○秣○陵○曾○卜○築○謝○公○山○下○竹○修○修○
青○藜○杖○短○綠○篔○簹○長○遊○宦○遊○山○意○兩○忘○海○內○知○名○非○河○朔○
人○間○留○語○是○遼○陽○工○文○薜○荔○難○爲○珮○求○吏○芙○蕖○不○作○裳○
召○父○年○來○思○薇○蕨○彌○天○何○地○樹○甘○棠○
時○牧○守○多○求○廣○文○
已○知○身○世○兩○相○違○粟○里○柴○桑○有○是○非○土○室○何○能○逃○黨○禍○

銅鈞空自識先機○吳江月泛葦鱸美○魯酒香濃稻蟹肥○
山○色○夕○陽○空○佇○立○夜○寒○多○少○釣○船○歸○
避○世○新○裁○育○夏○冠○挑○燈○爲○客○剪○琅○玕○求○魚○莫○問○懸○冰○署○
設○醴○時○尋○祭○酒○盤○往○事○海○桑○談○隱○匿○故○園○松○竹○羨○檀○欒○
鹿○門○莫○道○龐○公○遠○星○聚○應○同○處○士○看○

寄陸鶴田保定邑宰

鹽○車○驥○足○使○人○疑○五○斗○猶○勞○借○釜○炊○不○有○奇○窮○安○我○輩○
可○能○中○道○悔○狂○癡○三○升○美○醞○官○猶○活○百○首○新○詩○老○不○疲○
聞○說○道○州○仍○被○劫○牛○衣○解○贈○或○相○知○
時邑有盜警

同舍曾逢鄭廣文○登樓明月酒仍醺○遼陽霜老迷下令○
洛下風高滯陸雲○百里何緣遲雁足○一官應共笑鷄群○
懷人多夢蒹葭水○遙贈荷觴對馬軍○
甲午入簾同執闈事

懷劉閣老路遠無力寄詩

道○高○位○重○竟○如○何○黃○閣○十○年○鬢○易○皤○明○史○不○修○存○筆○法○
帝○心○常○簡○得○羨○和○因○知○守○已○時○難○變○果○恃○回○天○路○不○波○
五里河干三畝竹○香山終日鎖烟蘿○

方坦菴先生同李琳枝席上獎予逍遙遊詩

詩成敢向巨公傳○眾裡抽篇對客筵○先輩從來憐老馬○

後塵空自望高鳶。昌黎久欲收張籍。工部何因識鄭虔。
焦尾再鳴羞爨後。桐音肯許叩朱絃。

雨中孝廉孫玉屏見招戲筆走答

東家沽酒雨傾盆。早起泥深尚閉門。路滑莫愁人不往。
口饒常覺步先奔。荒城市遠難兼味。客熟杯輕易倒尊。
不見速來應過午。廣文枵腹待晨飧。

玉屏借杯

往乏常借爲質

雨歇方聞遣小僮。借杯招飲意何雄。不愁碁局常輸北。
玉屏但恐壺觴有代東。索米任從歸典肆。倒冠何惜醉
善奕

山公莫言美醞三升足。能使淵明酒瓮空。

雨中不寐

夜聞秋雨似催詩。天末懷人若有期。枕上句成愁夢破。
牀頭酒醒苦更遲。蛩因避晦思偏切。鷄爲求明叫不時。
歲晚滄州迷去住。故山雲樹足相思。

別王敬哉雍師三年矣晉秩學士寄賀志感

海內爭傳王右軍。舊從風雪立河汾。名高夫子知難隱。
道大朝廷訪易勤。起爲蒼生經特簡。家紹黃閣勒同勳。
一門簪笏連星斗。漢史新封萬石君。

焦爨音希世不逢感君相士似林宗散材未可勞工匠
薄祿啻同食下農日暮黃雲收駮駟夜闌白氣淬芙蓉
久淹離索應難報不及休官求賃春

秋日宿保陽忠愍祠讀馬市疏有感

陰雨綢繆隔代存空堂勒石動精魂
蚺蛇膽在骨猶壯鷲翮風高氣欲吞
自古蠹臣周末運於今馬市罷中原
與歌俎豆仍隆典彤管編文有御恩
今上仍祀春秋自製御序
上谷城高枕烈祠瑯琊舊治是吾師
諸先生舊迂邊廷謫尉留文化南國遷官起義思明業漸傾中季後清風難

砥晚衰時只今二疏流芳躅秋艸夕陽過客悲

十四夜施元引明府邀同前令宋公中庭賞月

荒城冷署卽山林白露蒹葭各素心
故國安知明月好涼秋不厭塞雲深
偏憎博士狂耽癖喜共柴桑醉解吟
一席天涯仍二仲此官何用更抽簪

空庭懸甃不生魚破屋寒帷懶著書
良夜呼盧頻縱酒小園徒步每回車
持螯把盞瞻星渚煮石爲糧號禹餘
疑是寒山雙老衲草堂啻作伴崑居
露坐空庭欲四更醉看海北曉雲生
山城鼓角星河動

朔塞烟霜鴻雁鳴頓覺酒懷窮石斗非關捩戰有輸贏
莫言世事仍傾倒此夜堪酬身後名
小飲成狂固偶然相逢不飲亦天全官如許邁仍求道
客似盧敖半學仙桂魄山河經晦蝕霜娥人影共嬋娟
怪來良會多慷慨欲借詩題紀歲年

中秋諸子持觴邀予就月於靜修祠者廿有一人

李茂弘白景修崔見夏宋洪儒宋合嵐崔見殷李
吉瞻朱泗澤朱辰侯子慎行侍焉

老子於此興不淺松間坐我登胡床高林烟月正幽窈
荒城雲漢何蒼涼譚經帳冷少琴瑟問字門開多酒漿

起予者誰足懷古繼追丁亥空典章

十六夜施元引明府孫玉屏劉範修再集小亭

清暉仍不減此夕倍蕭森月出聞鐘定松移避座陰人
同昨夜聚天許隔年尋久客忘家久鄉園千里心
蒿園頻命駕蔣逕傍城隈有月能先待無人肯後來清
樽催急析白露下平臺欲續重陽約黃花幾日開

謝卜聖遊比部時未覲面

昔賢未謀面多半已心知以此歌蘭社無庸執轡綏瞻
龍多氣色憐駿識權奇不日求春杵廊間問註義

世人交有態。君子獨高閒。未聽渠中水。如遊畫裡山。蓬蒿聞客語。江海望芝顏。便欲休官去。談詩共往還。

九日邀施元引明府看菊時蓮露釀熟

新啓蓬門傍月開。別通幽逕剪蒿萊。豆棚荒落餘黃菊。蓮露芻成有綠醅。共插花糕聊應節。不須栗坐待歸來。使君肯過堪乘興。無用登高賦楚哀。

檄龍歌贈諸邑宰吳宗灝祈雨天井

東武連海多奇峯。山橫澗繞烟雲封。俗傳有潭是天井。暗通海眼潛蛟龍。故老傳聞出雷雨。人近潭邊不敢語。

白蛇蜿蜒時出來。鉄牌檄龍龍乃許。是時久旱不聞雷。五月麥枯禾苗災。我侯仁勇有至性。齋宿步禱扳崔嵬。陂陀百里走疊嶂。捫葛懸梯下復上。從人車馬留山前。步躡層雲自惆悵。少焉山盡轉廻巒。四面突兀開噴峴。稜嶺中凹束繩壁。崖如截鉄蒼苔寒。續蔓投石深莫測。雷激濤鳴瀉千尺。巖業環圍碧練青。微茫下射滄溟黑。澗口如門石壁蹲。我侯下拜穿石根。躬執犧牲奉靈爽。手沉鉄檄通精魂。眼見白波噴紫霧。山氣嵐烟莽回互。鞭雷掣電響雲車。野暝陰昏濕歸路。雨脚雲根半浸山。

雙峰馬耳鎖霜鬢滂沱大地遍霑足掉尾鼓鬣須臾間
咫尺莫解神靈異欲遣白龍訴上帝呼吸通天人不知
霖雨收藏終濟世

白溝行飲屯長李家

白溝相傳古瓦關宋遼分界河潺潺楊業旣歿叔夜歿
戰場古壘存郎山當時險阨稱絕塞至今留有三關在
大元一統亭障空駝馬分屯畿甸中猶然北俗通牛酒
野水黃花鬧晚風

就菊吟

今年種菊秋雨荒東歸五月未分秧蓬頭散葉根節倒
不挿籬落雜亂行西齋主人借我屋亭下松間新放菊
移書掃榻紙糊墻恰遇重陽酒初熟色雜紅白多佳種
邀客題詩就菊影歲歲花開不在家十年行樂遍天涯
黃花是處堪招醉明歲秋風各鬢華

捕逃行

嗟爾逃人胡爲乎來哉昔爲犬與豕今爲虎與豺犬豕
供人刀俎肉虎豺反噬鄉邑災爾生不時遭殺擄不死
懷鄉亦悲苦何爲潛伏里中村一捕十家皆滅門擇人

而食虎而翼。仇者連坐富者吞。嗟爾已為人所憐。何為
害眾禍無邊。皇恩新赦有寬令。都護愛人惜爾命。甘死
北地莫投親。普天何地非王民。

秋盡寄劉西水候補大行

時納新姬

霜寒菊老桂婆娑。風雨經年惜鬢皤。解脫身名今日少。
淹留離亂古人多。思歸恐未存松菊。罷釣徒傷負笈箬。
徙倚金門君莫負。紅粧錦瑟樂如何。

酬宋侯以射兔見遺

霜落空原兔正肥。雕弧開處馬如飛。應憐野老饑相憶。

箭射橫梢帶血歸。

昨夜東籬酒未醒。曉來霜重綻金鈴。少年獵得中山兔。
好就殘英再解醒。

就菊齋成施明府移尊夜集

少陵就菊因耽句。陶令移尊偶叩門。盃底泛花分月影。
醉來破柿見霜痕。官輕漸近山林僻。客重能令首蓓溫。
下榻攤書堪伏枕。不妨頻過辟疆園。

寄懷李彭仲渭清諸同社

超然臺下故園荒。來鶴猶存舊草堂。諸子未忘歸去約。

揚丘詩 卷二
老人無復少年狂。閒思明月梧桐井。好護秋風薜荔牆。
早晚告林同結社。可容清夢臥滄浪。
五十年前舊讀書。比間喬木對門居。可憐薄俗輕前輩。
尚有名流重起予。龍氣久看雙劍異。駿群驚見五花餘。
淵明諸子耽梨栗。學伴元方愧不知。

寄王盧南

飲酒臺空山影高。看山對酒引離騷。移家近寺多芳草。
種秫開田足濁醪。海上垂竿忘日月。墻東讀易老蓬蒿。
誰容博士盧敖返。聞道秦人令似毛。

山有虎行

我家南山風拔木。十月天寒凍折竹。去年野豕傷秋禾。
今見猛虎食人肉。黑霧迷谷人不行。往往村頭嚙黃犢。
吁嗟此物天所生。負嵎作勢誰敢撻。使我欲歸歸不得。
千林萬林空月明。

祝大司農以少保告休恩賜家居

聖主酬功重老臣。新開黃閣盡麒麟。曾遊瀚海魚龍化。
能使遼陽草木春。金印已聞辭漢相。赤松頻見遇仙真。
五湖自是烟霞侶。林下何曾少一人。

華表城頭有舊廬。一朝解珮賦閒居。久知開國勞三傑。不信辭榮有二疏。龍馬精神仍健飯。鯤鵬藏化許懸車。應憐孺子皈依後。黃石橋邊蚤授書。

河無梁行

重陰日暮天多風。野水寒雲飄塞鴻。十月關山雜雨雪。我欲渡河逐征蓬。出門無車借官馬。馬病倒死車轅下。臨河問渡渡無舟。冰霰滿地僕人憂。徒步且回莫惆悵。江湖浩蕩將焉求。

借馬行戲呈容城宰施君

泥濘雨雪愁天寒。廣文出門煩長官。所求駑馬代徒步。僕役饑餓衣裳單。長官惜馬頻作色。馬瘦瘡殘借不得。強命厩人遣下乘。蹄折毛拳喘無力。五里之外馬不行。復求易馬非本情。安知病馬雙股折。出門倒地瘦骨撐。須臾馬死霜林下。長官索馬追馬價。君不見燕王駿骨酬黃金。馱馱享客傳至今。秦繆厚賞盜馬士。咲爾悠悠行路心。

行路難四章

我所思兮在泰山。徂徠梁父多險艱。天寒日暮路荆棘。

冰霜載道石盤盤我所思兮在太行覆車蹶馬多羊腸
 陽關阻絕臨棧閣秦川欲渡河無梁衡山之南隔瀟湘
 恒山之外愁朔方中原莽蕩盡豺虎白日無光人不語
 夜長晝短狐鳴啼客子徒行悲逆旅嗚呼一歌兮行路
 難獨倚孤劍摧心肝
 東海東望隔蓬壺連山白浪排天吳北海南海不可渡
 玄沙大漠連蒼梧西海不在中國裡滙浮芥蠟東南水
 遼陽玄菟路幾千穿廬半住中原鬼朝辭紫禁暮黃沙
 五國城南苦憶家巴蛇常道集沙虎隴鳥悲人逢鬼車

時差二歌兮行路難公無渡河天風酸

君不見淮陰功高封侯王兔死狗烹盡未央又不見子
 胥敗越興闔閭鴟夷沉江賜昆吾彭澤不受督郵侮申
 生終作髡鉗徒袁盎晁錯巧相危田蚡魏其同傾移文
 章自號天下士坎壈何用英雄為公卿不可當州郡勞
 傍徨悠悠覆轍滿天地昏昏濡首如風狂行路難三歌
 苦公無出門避風雨
 饑不食首陽薇渴不飲潁川水離亂何求身後名勢位
 徒增眼前累椎牛撞鐘歡滿堂誰料一夕投遐荒拖金

東○紫○誇○未○了○誰○料○一○身○難○自○保○君○今○滿○載○車○不○行○豈○知○
寧○道○輪○軸○傾○君○今○貪○涉○舟○爭○渡○豈○知○風○沮○瞿○塘○路○當○時○
漢○有○高○義○人○掛○冠○解○綬○皆○全○身○此○日○風○波○遍○江○海○安○得○
仍○思○鱸○與○蓴○行○路○難○四○歌○終○欲○築○土○室○潛○袁○閔○

誠子篇

四○座○且○勿○言○聽○我○誠○子○篇○誠○子○願○富○貴○富○貴○須○學○命○在○
天○誠○子○願○聰○明○聰○明○雖○巧○悞○後○生○浮○榮○薄○德○常○伏○禍○小○
慧○生○驕○易○敗○名○君○不○見○富○室○輕○薄○子○縱○賭○喜○娼○夜○醉○施○
又○不○見○富○家○任○俠○兒○一○怒○殺○人○命○亦○危○家○有○古○書○不○知○

讀○恰○使○傍○人○咲○痴○肉○藏○詩○藏○畫○自○送○人○好○宅○好○田○棄○徧○
速○揮○盡○黃○金○賣○屋○瓦○更○向○朱○門○鬻○墳○木○結○交○不○喜○近○老○
蒼○愛○逐○惡○少○尋○歡○場○長○夜○醉○眠○日○高○起○典○衣○揭○債○輸○官○
糧○醉○夢○朝○朝○日○陵○替○猶○向○人○前○誇○宦○裔○棄○故○捐○新○菽○粟○
空○補○破○遮○寒○衣○履○弊○君○看○宦○裔○易○伶○仃○温○飽○從○來○志○氣○
冥○力○田○不○識○分○五○谷○稽○古○何○曾○力○一○經○勿○惜○勞○勿○憚○苦○
勞○苦○能○令○神○鬼○憐○憂○勤○免○受○鄉○鄰○侮○祖○德○原○從○廉○吏○來○
此○身○墮○地○各○成○材○栽○培○傾○覆○汝○所○造○誠○爾○多○言○何○益○哉○

獨憂

南山有虎不可任。東海有舟不可渡。繫足匏瓜苦不食。
老我邊庭歲將暮。憂來不向世人言。絕塞愁時且閉門。
夜夜五更聞鼓角。千里傷心憶故園。

海舟無渡行

千人引一檣。百金買一柁。朝發天津夕蓬海。千里雲帆
如鳥過。當時良工有苦心。大木輿致丘壑深。長初中流
成巨楫。濟川不懼風濤侵。一朝海寇孫恩亂。家室
置海畔。舟楫有用不逢時。野渡無人空浩漭。

如夢

三年如夢裡。官冷似閒居。地瘠民風陋。名輕禮貌疎。
下田多種秫。野水自生魚。籬菊秋仍待。何憂歲月虛。

衰至

久客誇身健。今年覺我衰。把書嫌就燭。對酒嘆餘卮。
諱老白難拔。求眠夢易欺。平生筋力盡。高枕任推移。

坐老

坐老年難計。食貧累日增。三關多雨雪。九月已成冰。
倦翮飛何及。枯楊暖未能。豈無江海客。束縛愧漁罾。
三載書空拙。十年行路難。占風疑鵲影。緣木負漁竿。馬

骨收何益。龍鍾淚不乾。杜陵詞賦賤。歲歲寄長安。
已負青山約。能甘白首違。卜居頻改歲。受命屢知非。
冉花飛霧悠悠水。到磯飄揚與流止。誰與問殘暉。
牛口非徒我鷄棲。亦有人馮唐真善宦。劉毅已長貧。
虎迹終難遠。鴻冥未可賓。梅花仍待臘。跋扈酒盃春。
望梅憑妄想。聊以慰窮愁。雷雨聞天咲。抑掄任鬼羞。
爭傳圖傳說。不信拜韓侯。或有磻溪獵。飛熊夢可求。
木鷄何日舞。石火夜相煎。棘刺雕難待。丹壺火不全。
海枯方考吏。柯爛或成仙。可柰浮生促。羲和漫着鞭。

烟草行

我讀神農書。不知烟草名。周秦以後。南北亂。服食雖異。
雜羶腥。何爲明末出。妖草當時種。自朝鮮生。貢使遠携。
至燕地。吞烟吐火人。皆驚銅作袋。今草爲炬。口中呼吸。
鼻烟熒。初食眩暈。醉欲死。少頃甦起。如中醒。閩中種出。
味殊烈。吸之立醉。尤難醒。以此北地相競。食風雪行陣。
無時輕。自經鼎革。成風俗。三尺小兒。佩烟筒。上至朝廟。
下闔閭。昏昏吞火。如吞鯨。農人種烟。不種穀。咸云穀賤。
烟價增。種若鶯粟。細不見。葉如茄。大花種。紅秋來採葉。

糞滿屋。有人細切如鋪絨。都門村市有烟店。路人求醉
紛轟轟。我亦從衆博一醉。醒者無人醉且睡。

准告後雪中臥病呈孫大行四律

善病非關老窮愁。不爲官居身無一可違。世有多端掠
地驕鷹怒。凌虛老鶴寒。雪深門跡少。高臥任袁安。
榻煖朝慵起。愁多夜不眠。投林逢野火。隔屋過炊烟。雨
雪宜鄉夢。棲遲號病禪。久爲山鬼咲。蒙袂莫求憐。
俱道山人傲。應嫌野鷄微。里兒欣束帶。漫叟不求衣。伏
枕浮雲盡。垂鞭落日違。故山松菊在。衰老賦歸遲。

不澣遲。朝沐烏啼雪。滿牆豨苓憐。藥裹鷄肋咲。餘糧屋
破冰。垂筍城陰樹。掛霜古方今。效少何法療。清狂。

雪後酬孫大行來韻時寓容城

古瓦冰稜掛玉條。夢魂遙逐雪花飄。詩腸枯盡思偏澁。
酒債窮來興未消。佳客似尋處士鶴。幽情頻寫美人蕉。
何來鳳閣棲寒篠。竹老松喬伴後凋。

雪後新安宰程敬之過索蓮露施邑侯亦至

窮巷無車轍。高軒亦過門。雪深方擁被。客至忽傾尊。水
澁花封近。蓮香露氣存。諸公多野意。濁酒足寒溫。

丙申臘日迎春

誰謂出門久，三逢歲令新。燕齊迷舊舍，天地束閒身。老
至頻驚臘，歸遲不當春。明年知去否，行止任風塵。
十年常作客，春至覺衰侵。已識歸無術，猶傷困有心。泥
牛風土異，陽雁雪霜深。解凍思農圃，憑誰寄竹林。

丁酉元旦歲社祀

聖廟享餽邀施，使君兼示容庠諸生。
雨露思蘋藻，澤宮歲序新。所司惟俎豆，何物荅洪鈞。聖

大絕私祭，官微仗德鄰。環橋除宿草，泮水薦春芹。禮簡
終三獻，盤匱但五辛。釀錢欣結社，明水秘通神。餘餽分
冥福，遺醪飲醉醇。講堂均割肉，醴席續傳薪。勉立餼羊
意，同留魯朔真。

人日思海上草堂

甲子將周歲，棲遲不問家。歸鴻來有信，春夢去無涯。村
社誰多酒，山梅幾度花。草堂何所寄，東海待浮槎。

懷田淑殷

去年松下會，誰寄歲寒心。酒盡江湖散，詩成燈火深。幽

懷多秘著靜氣荅孤棹何日習池飲停盃慰苦吟

姜二濱以元城內遷給諫寄賀

廿年豕鹿社誰復問征鴻燕地逢寒食匆匆江海東天
雄君結綬上谷我飄蓬遠餽綈袍煖官寒首着窮書屏
欣內召簪筆冠群公陛見天顏喜疏投玉輦迎丹霄來
赤鳳青瑣借非熊詞賦名多悞窮通路不同困泥思雀
賀遙隔五雲中

寄薛衛公農部督倉德州

豈不嗟離索雲霄路渺茫舊遊豕鹿散新序鷺鷥長

飲金莖露朝含玉樹香租庸非細務泉布亦匡襄異采
觀暈翟清塵闕驪驪家聲數馬足國步試魚腸劍氣存
河朔文名自洛陽吹臺曾御李酒市尚隣黃擊筑荆高
共同舟李郭將闡僧醉入寺劫妓夜穿房流寓成鄉里
英年逐老狂敢呼孺子履時拜德公牀夫子猶龍氣諸
昆並雁行連坊居六載別路已三霜仰面看星斗低頭
下虎狼官微嫌日短貌瘦苦腰強忤俗應遭忌閒曹可
善藏謀生無一計滄海望津梁

春酒

獨酌憐春酒。蹉跎又歲時。心將日共晚。世與命相宜。地
氣開水腹。天情入柳眉。東菑牛背煖。歸計問村醅。
酪然堪了日。作意度新春。臘蟻招誰共。辛盤冷自陳。風
光歡稚子。歲月老庸人。行止終無策。仍甘旅食貧。

宋荔裳自秦臬遷永平楊猶龍自晉藩移河南却

寄近懷

官移推近地。借理已年年。歸鴈秦雲外。遷鶯梁苑前。牙
旗回北斗。劍履近中天。去住江河動。聲華日月懸。占星
還太史。爲楫須長川。舊社山陽散。同遊河朔連。經春鴻

鴈老岐路。駑駘迥兩雪。凋鷄骨風塵。困馬韉梅花。思宋
賦。玄草感楊篇。落落中原盡。無人識鄭虔。

送保定王太尊赴青州兵憲予以屬吏借附版籍

五馬出天都。雄才跨海隅。畿南推攷最。山左借分符。劍
珮三齊動。襜帷千里蘇。虛懷澄水鑑。神采映昆吾。草木
思恩澤。風雷遍覃敷。雲門瞻紫氣。斗柄轉黃圖。時事興
操切。民瘼困急呼。誅逃投忌鼠。比屋切瞻烏。鷄犬愁無
地。瘡痍喘未甦。隱憂備伏莽。奸蠹竊穿窬。密莒俗多詐。
瑯琊土半蕪。雉羅償脫兔。李仆代桃枯。何計清霾霧。惟

公淬湛盧堯天來繡牙禹甸浴金鳧屬吏仍依厦歸鴻
欲引雛重來開范井泉醴照冰壺

早春卽事

積閏春來早良宵淑氣生蠶虫將啓閉芽草已勾萌鷄
哺欣孳息鴉啼帶乳聲陽和感物理枯坐負時榮

途次荆塘驛見壁上申鳧盟題詩步韵於壁

薄宦違初志經年客未歸入春仍驛路遠夢屢山扉沙
鶴頻相失飛虫嘆獨飛天涯懷二仲應念芰荷衣
雪淨西山出春寒尙朔風早趁群動下岐路亂流中馬

逐塵無異人多面不同自難從所好來往似昆虫

杜曲歸無計餘生休問天轅駒空就路槐蟻豈知年感
慨終何補行藏亦覺偏江湖如不繫解纜一漁船
野寺尋僧宿炊烟接佛香荆卿留里在易水嘆燕亾朔
氣連京黑春雲入塞黃遊人多草草江海總荒涼

陳蒲公自揚州歸

去年別我遊何處車馬江干歲暮還問字人多從國士
投囊詩滿載名山揚州鶴老簫聲冷梅閣花殘月影閒
誰識虞卿迎白璧廣陵一曲在人間

林上詩 卷二
江上逢人佳句多。扁舟南渡慰蹉跎。已知勝地耽烟月。
無奈歸心寄薜蘿。醉附錦帆凌采石。愁携書卷渡黃河。
尚平舊有遊仙約。五岳蒼茫老去何。

世事谷李燁蕃秀才

世事浮雲不足疑。加食止可醉春醅。下車戴笠憑人遇。
笑馬呼牛我自知。問路道傍山鬼謫。折腰鄉里小兒欺。
青蓮驢背華陰市。司馬何人亦解頤。

蔡中丞重修滕王閣徵詩遠不能寄丁酉入都門
得劉相國薛宗伯詩二章効顰四律

滄海名山半劫灰。江干高閣已蒿萊。謝公不廢登臨興。
洛下誰爲作賦才。丹艧流雲還浩渺。白波飛鷺足遲迴。
臥游夢憶天風遠。欲借滕王蛺蝶來。黃鶴樓空崔顥句。
江山興廢紀詩人。長天秋色仍千載。鴈陣魚歌又一新。
星斗尚明王子浦。魚龍重見豫章春。滄洲歲暮堪乘興。
擬跨長風問海津。仙樓重構水天空。控扼登臨自上公。
已建旌旄來上國。能令江海有朝宗。遼陽鶴唳開丹嶠。
楚水龍遊駕彩虹。極目烟波遙寄興。中原詞賦幾人同。

廬山衡嶽楚江頭○千里烟雲接十洲○仙嶠何能飛羽蓋○
龍沙原自近丹丘○眼中人事空流水○世外湖山漫倚樓○
聞道醉翁能化鶴○不教白髮引孤舟○

夜集張介伯齋中

夜雨高齋問酒徒○相逢青眼對菰蘆○寒山石在人堪語○
延水龍蟠劍未孤○彈鋏誰能酌國士○吹竽漫自咲狂奴○
醉憐豪客鬚如戟○卧看雲山米芾圖○

送萬開來自東萊赴溫處兵憲

岱華峰頭紫氣回○遙從渤海問天台○樓船半渡妖蛟靜○

簫鼓中流畫鷁開○高閣寒帷應草檄○名山駐節賸啣盃○
於今聖主思藩服○錫履還歸北極來○

給諫張譙明招同趙錦帆席上改予號爲鐵鶴贈

詩答謝

青田胎破憶前身○伏火砂成幾度春○丹頂不辭歸大冶○
玄裳原自出洪鈞○應知松老鱗成石○安得風高翅作輪○
聞道仙人能點化○一聲鐵笛起蒼旻○

贈趙錦帆比部

洛下推君詩思好○登壇一嘯海天空○於今酌酒從裴迪○

無用臨風憶謝公。懷古每憐當世好。註書休羨一時同。
何年携杖登嵩頂。與爾看雲到祝融。
春日荒荒問草萊。中原常令客思哀。苦吟自是幽人癖。
作賦原稱大令才。千古文心同燭火。十年枕夢倚枯槐。
捉刀獨許君能健。李白無心過吹臺。

魏石生都憲留住都門訂修隱史未果

偶於塵市憶羲皇。欲賃高春借寺廊。舉世誰能從所好。
古人多半善爲藏。青門松桂雲難老。白社蒹葭水自蒼。
搜史編題分綺皓。商山今定採芝方。

題祝太保築呂仙閣次呂仙贈祝公韻

霞光星燦織雲章。玉笈瑤函仙墨香。一劍劃空添絳屋。
千年鶴筭與天長。
雲度遼陽紫氣高。白鸞聲裡聽笙璈。金門欲度東方朔。
阿母新遺海上桃。

出都別劉相國

春夜閒庭竹影輝。九齡風度對玄霏。勲名已著新鐘鼎。
詩酒猶存老布衣。問字不言溫室樹。論交許占富春磯。
感深設醴無它請。一任孤鴻傍塞飛。

不學昌黎三上書○空思江漢潤枯魚○麻鞋失路人將老○
槩戟交門禮未踈○招飲許分光祿酒○題詩但贈灞橋驢○
徒聞

聖主臨旃問誰薦○相如賦子虛

葉介卿浙儒留寓燕商索詩為贈

參龍遶歲暮○閱世與名疎○溷市身同隱○潛商迹自如○看
山○收○古○畫○懷○璞○覓○藏○書○粵○嶠○多○江○草○年○年○夢○故○廬○

歸鶴吟寄明空大師

南山有鶴胡不歸○東林西日雲影微○松苓舊巢未可棄○

稻○梁○小○計○何○堪○肥○峯○頭○殘○雪○三○月○白○溪○邊○古○柳○十○圍○稀○
芑○鞋○草○笠○老○將○至○烟○深○海○濶○還○獨○飛○

呈張譙明都諫

舊同事淮上國變後公自浙內召
首疏薦予未果行

淮海從君感舊遊○曾隨擊楫渡中流○浮雲過眼成蒼狗○
落日傷心對白鷗○吏隱西湖煙水署○名高北闕鳳螭頭○
相看下馬憐塵笠○范叔何人念敝裘○

黃金賦賤嘆相如○空為凌雲上薦書○羊鶴自憐吹不起○
業龍堪笑參成虛○難酬歲月淹遲暮○徒使文章付燼餘○
早晚扁舟尋謝眺○柘潭山下卜閒居○

陽忠愍。蚌蛇膽。劇成傳。掌雷總。憲易名。表忠誌。謝
 詞賦。投閒娛。歲年非。關名借。萬人傳。因銷暑。卧詩題。地
 自慰。窮愁夢。上天優。孟工詆。疑嫚世。嗣宗善。哭未狂。顛
 感君。獨賞高山曲。欲問成連海畔船。

日長無事欲擬楚騷為曲名酒離騷未成

人間安得酒離騷。鼓瑟湘靈散鬱陶。夢入杜蘅投楚澤。
 客携蘭珮到江臯。已知哀郢天難問。縱使招魂鬼亦勞。
 曲就長歌還獨醉。不教漁父泣波濤。
 宋玉空憐賦水仙。登場未見有歌傳。欲將簫鼓迎神客。

為寫笙歌羽化篇。驚看九關來馬豹。坐疑二女舞嬋娟。
 可憐千載長沙傳。但向湘潭吊暮煙。

容城康秀才開酌醉贈

澤宮草長似深山。荆棘生庭未可刪。不識龍門來絳帳。
 漫勞牛背度函關。問奇客少餘苔厚。載酒尊空冒雨還。
 鄰有杜康相對酌。隔牆開醞借酡顏。

卽事

一泓清水自滄浪。濯足濯纓意總忘。嘒蹴勞人分簞豆。
 低回行路愧壺漿。氍毹日暮年年悞。朔塞風高面面涼。

黍谷非閔吹律拙此中原未見春陽

種竹乞栽寄楊蕃升

客久空園憶竹林○隔林乞取翠成陰○擅藥待月初篩影○
蕭瑟臨風足獨吟○解籜尚淹千尺粉○凌霄難慰九秋心○
王猷去住渾為主○滿地龍孫何日尋○

新安崔成一孝廉再過談詩

寂寞空齋草色薰○到門看竹又逢君○雌雄望劍光難說○
青○白○論○文○眼○欲○分○崔○李○定○交○欣○客○路○元○方○執○御○動○星○紋○

長公是青銅二百堪沽酒為寫門生白練裙
歲鄉薦

七月朔日携酒過施明府醉飲至曙

角飲成狂未解休○五更漏盡尚呼籌○空階積雨消殘暑○
靜夜孤槐報早秋○醉後留髭仍續燭○閒來御李似同舟○
年年種秫難歸去○束帶何曾見督郵○

明空自丙戌出山十年矣丁酉自渠丘回山再修

靜業

悠悠山上雲○自行復自止○翩翩林外鶴○不鳴亦不起○雲○
鶴○本○無○心○相○遇○虛○空○裏○雨○歇○雲○歸○山○風○高○鶴○返○里○年○華○
倦行邁○運化違○終始遠○澗生白芝○臨崖摘蒼耳○歲暮足

林上言 卷二
餽糧優游省胼胝。耒耜雖苦修筋骸。亦可已。雲返九華。峰鶴渡三山水。長生藥未逢。亦可兩不死。

秋雨水漲自新安泛舟至保陽

秋水送浮槎。似渡天河半。鬱鬱困環堵。出門如凌漢。緣木上河魚。平田集水鶴。野塘見殘荷。蘋藻紛零亂。渺渺江湖心。徒期遊汗漫。

宿新安陳司訓齋

荒城集水鳥。古廟倚蒹葭。酒醉輕蚊蚋。官貧類鹿麋。徒然悲去住。無計慰年華。下榻憐同夢。空庭對繫瓜。

過何晉侯野居

晉侯知藥理

需照通仙隱。幽居對水局。鄰稀荒一逕。野曠出孤亭。落日惟鷗鷺。空林有木苓。欲來叅素問。載酒醉愁醒。野意有吾朴。逢君愜素心。摘蔬留客久。種藥避人深。老去嫌長話。情多恨苦吟。不能寥廓往。對此一蕭森。

申鳧盟自廣平以岱遊詩托馬旻徠訪寄

兩地知名久。胡為不識君。客詩次旅壁。嶽岬寄高雲。氣可人倫重。風儀夢寐分。論文常在眼。何用嘆離羣。別歲識君弟。家風忠孝偏。論交詩易達。著節世難先。江

海一孺子池塘兩惠連山川原不隔借四方傳
李琳枝巡江南被建獄中同飲
官輕如傳舍寵辱自無驚此世能行志當途敢立名酒
徒焚諫草花葉避干旌不醉緣何事

天王已聖明

用舍存直道孤危動帝心埋輪徒有氣貫酒竟無金排
擊風霜猛澄清障霧深竹林堪置爾似悔未抽簪

同謝獻菴金方籀錢子清飲陳善百齋中

多事經年別入門如有求來因逢酒任去爲說詩留耳

熱欣吳詠心平咲楚囚墻花秋態薄世路各悠悠

路回泛舟次保定守薛公惠詩

野曠一秋水高雲淡不流河痕滄灌柳天影動浮鷗物
理欣相託情緣愜所求漁竿存釣意高下任虛舟

過新安宿程敬之署中

公寧陽人

夕陽連水色前約隔秋風露冷連宵白荷殘幾處紅人
隨歸鳥住城在亂流中客路逢鄉故傾尊醉不同

贈新安王五修茂才

不逢人載酒今見客談詩此地邊風近非關士氣衰失

家隨牧放。憂歲得苗。奮道氣存。衣屨逢君。愜所期。

匏瓜詠 并叙

予官容之三年。欲去不得。有匏瓜生於庭。托根瓦礫之隙。非其所也。土薄且鹵。蓬蒿蒺藜蔓延其間。暑熱枯焦。夜氣復則再潤。生意雖存。難爲實矣。拔之。惜其蕃茂。留之。傷其中枯。自夏徂秋。蔓引盈堦。命童子剪之。葉底得二瓜。纍纍離離。實美且碩。詠以紀之。

庭荒草不剪。旅瓜生我前。此地非青門。離離誰爲憐。偏

側。階。不。窳。土。脉。薄。不。堅。既。遭。踐。踏。辱。復。爲。草。礫。纏。造。化。不。擇。物。生。意。何。蔓。延。拔。之。惜。天。工。留。之。存。物。植。黃。花。登。綠。藤。暑。熱。爍。滋。殖。俄。傾。夏。徂。秋。青。黃。屢。變。色。呼。童。剪。牽。蔓。葉。底。瓜。方。實。爾。實。欣。有。成。爾。種。非。我。力。巨。細。隨。枯。榮。繫。茲。能。不。食。我。亦。苦。歲。時。感。此。秋。陽。德。

陰雨歎寄呈魏石生傳掌雷二都憲

濛濛天重陰。冥冥夜未旦。電火雜冰雹。霹靂崩陵岸。河沒牛馬群。海翻鯢鯨亂。天柱將何施。六鰲久渙散。至人坐無策。夜雨飄霜案。蒼蔚亂山雲。朝饑空浩歎。欲去愁

樹上言
泥滓短衣沒至。肝枯魚過河泣。神龍亦憂患。漁人望浮
槎。徒倚凌霄漢。

送別陳西樊別駕赴新安郡丞

畿輔推煩劇。王儲賴輓輪。三農無守土。九府正艱虞。分
佐操絃韋。神功起廢枯。治清群吏肅。化洽萬方呼。鴻雁
歸中澤。豺狼去上都。暇情揮玉軫。雅度湛冰壺。庭靜民
無訟。刑寬稅不逋。書屏瞻帝簡。特詔佐皇謨。出谷聞鶯
喜。投轅慶雀趨。熊軒春返楚。鶴艇月歸吳。白岳迎旌旆。
黃山入案厨。擬將牽犢意。寫入勸農圖。

七夕賦星漢槎記

海上浮槎久不回。明河霞起繡成堆。文機石在天將老。
駕鵲橋成浪未開。星斗携歸還浩渺。山川歷盡失崔嵬。
年年乞巧文無似。更被天孫送拙來。
乘桴歲暮憶滄溟。野渡無津秋水生。雨過河痕留晚照。
雲開月落見疎星。補天石化人難問。泛斗文成鬼欲聽。
一嘯虛舟星漢渺。近遊汗漫學逃形。

陳西樊赴新安別駕贈端石爲別憶與胡蒼恒太
守同盟易水今三年矣

祖帳分河朔。天涯聚散情。燕雲迎氣紫。易水向人清。風
送鴻飛遠。林遷鳥語賡。似憐匏繫者。留石感堅貞。
幕下容山野。鷄冠附典刑。太丘將返舍。彭澤未逃形。吏
治聞民咏。家風聚德星。雲崑天際望。三十二峰青。

送子沛弟赴毗陵間

燕領原異相。此日喜登壇。澤國魚龍避。江關虎豹寒。去
家應報國。避地各居官。沒石仍書檄。爲君磨盾看。

九月都門遇。歸德朱牧仲。因寄賈靜子。

甲申淮上

寒上秋荒落木疎。故人江海咲離居。少年宋玉備工賦。

老去賈誼願上書。往事山陽笛吹裡。生涯燕市築歌餘。
臨風欲寄蘇門嘯。爲覓麗公處士廬。

劉相國招同曹錫餘庶常夜集

不受微官縛。歸心寄漫遊。位卑容禮減。醴設感情周。招
隱思青桂。論交惜白頭。扶搖吹不起。枌下嘆鸞鳩。

薛宗伯夫子招飲見桂花

每過必追隨。夜深留看詩。石屏雲氣响。桂影月香遲。位
重官難去。名輕客易疲。行藏商不定。棧豆久支離。

方學士同邵村過松下求邵材書

煮茗聽松籟。市喧坐不聞。荀龍常携子。遼鶴久離群。盡
理因詩得。家珍許客分。何時遺刻紙。終日坐溪雲。

宿佟孚六齋中途桐城朱西長

客喧難問字。擊筑亂燕歌。老至歡場減。情深醉面酡。曲
音商半拍。畫意在虛波。西長轉厭鬚眉古。無如年少何。

別李琳枝和其獄中詩

自向冰壺濯肺肝。江河一柱砥波難。惠文此日思違俗。
屈軼何人辨指奸。茂苑歸裝秋月冷。吳民挽珮哭聲寒。
福堂獨臥看周易。對爾啣杯不用歎。

薛宗伯夫子移酒慈仁寺對酌

步屨迴廊靜。移尊傍古松。鳥聲隨杖策。僧飯聽鳴鐘。野
坐分專席。孤情到遠峰。玄言將日夕。車馬感從容。
入都辭官不果

匏落何時了。微官歲月遷。思歸憂亂土。久客惜殘年。心
遠身相累。行違慮不全。浮生消妄想。高臥夢山田。

劉相國席上送別周清熙司農告養東歸

此日誰孤往。名場亦有君。神龍迴靜水。倦鳥羨歸雲。萊
綵藏仙吏。潘輿動斗文。不堪鄉思切。獨立背斜曛。

賈聚五道子二孝廉招集

舊句題青竹。三年寄孔融。雌雄雙劍合。南北一尊同。阮
屐分清嘯。習池引醉翁。狂言仍歷亂。不厭老踈慵。

過金方籀論詩

大雅不復作。吾衰未可言。難留徐穉榻。時過辟疆園。落
木淨秋色。高雲下野原。肯容詮杜律。爛熳倒清尊。

秋盡候家信不至

落日數歸鳥。北風鄉信稀。夢中聞鵲喜。天外盼鴻飛。官
冷炊分遠。霜寒衣到遲。山妻與弱子。總計客心違。

保定途中遇馬閔練還廣平訓

日暮驅羸馬。荒原不見人。書囊仍負荷。斗笠半埃塵。官
况吾同冷。年華爾尚新。荆塘臨易水。分手各傷神。

馮殿公自閭中使回紀詩甚奇因快之

閩嶺多奇勝。星輶動隔年。雲峰多虎迹。江驛少人烟。世
路奔湍駛。王程望日懸。羨君增曠覽。囊裡滿山川。

酬殿公惠扇筆代嘲

杜陵久落寞。京陌重鄉聲。豈有星華使。而無縞帶情。竹
光雙墨重。毫彩六銖輕。粵客多珍寶。歸來說大行。

寒士吟為李价蕃作

秋闈○徒○步○返○闔○室○斷○炊○初○生○計○三○年○失○空○厨○百○指○餘○奎○
婁○頻○化○鬼○脉○望○困○枯○魚○奇○字○囊○中○滿○舌○存○莫○棄○書○

喜門生楊嶧廷登科

昨宵○聞○礫○釜○鵲○喜○開○今○晨○名○采○生○飛○動○文○章○報○苦○辛○庶○
門○喧○鼓○吹○鈴○馬○動○親○鄰○窮○達○須○有○志○為○儒○莫○諱○貧○

擬和杜陵咏物諸作

鴈

孤○鴈○聲○相○失○飛○鴻○各○一○天○塞○霜○冷○影○後○江○月○羨○羣○先○高○

嫩防多累寘棲許獨全沙蘆人不見時泮野鷗眠

鸚鵡

遠○失○隴○山○路○應○知○憶○上○皇○誰○憐○繫○彩○羽○終○為○恋○餘○根○巧○
舌○翻○增○累○雕○籠○不○自○傷○身○旁○多○鷲○獺○搏○擊○亦○須○防○

鹿

文○鹿○馴○攸○伏○庭○除○動○隱○心○身○危○鄰○鼎○俎○夢○遠○隔○山○林○歲○
月○芝○田○失○蓬○壺○海○路○深○命○微○從○運○化○仙○客○可○能○尋○

獺

山○狽○歸○繫○繫○思○返○故○林○難○狡○捷○終○難○免○籬○條○得○暫○安○依○

人○求○東○栗○習○俗○着○衣○冠○入○市○逢○兒○侮○鬢○髯○怒○可○觀○

鴻鵠

錦○羽○清○溪○遠○飛○潛○傍○小○池○浮○沉○惟○止○水○去○住○少○高○枝○翻
剪○毛○仍○異○江○寒○魚○未○知○鵝○鶴○終○日○飽○泥○汙○逐○羣○嬉○

鷄

籬○落○隨○生○化○司○晨○自○性○成○天○機○歸○一○卵○嘴○距○見○群○爭○鼎
鑊○尋○常○命○稻○梁○爾○輩○情○居○然○存○五○德○雌○伏○慎○經○營○

促織

野○物○知○時○節○畏○寒○亦○近○人○哀○鳴○如○有○怨○聒○聒○尔○何○頻○絡○

意○獨○親○惱○將○歸○夢○斷○孤○客○最○傷○神○

螢火

陽○生○濕○菌○燦○燦○炫○孤○明○陰○火○分○斜○照○冥○宵○喜○夜○行○林
光○投○影○亂○鬼○焰○點○衣○輕○星○月○終○難○併○何○來○傍○短○楹○

鵲

語○關○人○事○物○情○欣○爾○來○逢○迎○偏○送○喜○欺○罔○亦○多○猜○郭
璞○經○難○註○京○房○卜○易○灾○不○能○避○鳩○隼○巢○奪○枉○知○裁○

花鴨

花○鴨○不○能○飛○雙○雙○傍○水○扉○文○明○殊○羽○族○飲○啄○自○天○機○羨○

驚身難遠爭鷄食不肥。江湖從未到日暮向家歸。

蠅

徒繁君族衆。生化苦無根。造次來何處。糾纏似有冤。分
鬻餘餒味。濡墨點遺痕。午夢勞鑽鑿。呼提亦至恩。

蠶

矣去蒼林。郡族居近自然。百年禪處穩。萬事臥遊全。景
略捫空壯。莊周射不穿。藏身能守黑。與爾共綿綿。

雨中同張志公顏駐景劉長馨集賈羨署齋

身雨尋幽會。秋齋菊未殘。主人能好事。良友聚原難。問

律詞音細。飛觴酒令寬。愁歸還就宿。秋夜怯餘寒。

謝獻菴將赴常州別駕同趙文成飲別保陽

乍歡嫌易別。江路菊花黃。客館分鴻影。離筵散蜨匡。文
存橘柚風雨近。河梁宦迹南中勝。題詩寄朔方。

行至荆塘賈聚五馬上追送和詩次答

客路多風雅。歸途秋色殘。樽前分手易。馬上寄詩難。水
淺鷗群失。天高鴈影寬。携將蘭杜意。相耐曉霜寒。

聞大內徵予表忠劇副憲傅君遣索原本

傳道凌雲動上林。應憐楊意說知音。明廷未便徵巴曲。

楚客何勞効越吟。欲碎胡琴春市散。漫吹短笛晚江深。
無媒芳草年年路。安得長安買賦金。

呈劉相國憶昔行

冉冉歲月徂。漠漠京塵浩。故交貴賤殊。一見一回老。憶昔甫弱冠。對君顏色好。白面紅衫郎。走馬青州道。渠丘多名流。三君實國寶。張公晉魏人。長髯恣冥討。遺俗敦古風。癖性嗜枯槁。張季豪俠間。文酒亦英藻。快言時驚塵。結客喜傾倒。君家三昆弟。清和各雅抱。藹藹溫恭人。象中推君少。入群不亂俗。孤立實矯矯。每爲衆友欽。靜

氣出幽窈。亢也幼而狂。定交收小草。題詩寫窻壁。同衾語徹曉。諸君青雲達。惟君升鳳沼。世路分雲遶。泥滓隔浩淼。壬午入北闈。虎覲炫雍考。有文必相規。有酒必呼造。崩迫遭離亂。桑海變魚鳥。君偶里中居。予入海東島。土寇逼渠城。殺掠恣焚燎。時余寓戎幕。信陵欲救趙。精甲三百匹。健卒排數道。檄兵三日中。神速出意表。賊圍近數萬。我兵實微渺。主將雖庸懦。驅之鼓前纛。賊驚天兵來鳥合。一時掃遂解。三縣圍逢君。喜不了。相約廣陵舟。再尋滄海釣。各爲汗漫遊。南國收殘照。江左失謝安。

海上迴溫燄握手道故歡。忽易當年貌萬事良悠悠。行
藏安可料聖朝崇遺賢重道尊師保遂使補天功衆星
復皎皎。戊子遊京師野鳥棲寒篠五載馱背春陸舫滿
詩稿中州薛與張孟津筆墨灑長者車填門達旦酣歌
嘯百年壯士心倏忽成衰皓詎有薦雄文難期方朔詔
綏小化寒蟬職司祝聖廟久要四十年歌之存古調

紀夢

嚴陵釋釣日帝座動星辰布被驚同榻蒲輪得異人能
罷通羽獵圖書起岩民幻想同蕉鹿悠悠未是真

白醉行戲贈白景修并同席諸子

白生傲听推善酒容色人少誇無偶夜來角量氣頗豪
鼓腹便便輕升斗胡君好客設豐饌燭換三跋夜已宴
觴罰不禁雜亂聒令嚴止覺重叠犯白也門前羅酒漿
大盞小盞如雁行夙昔敏捷稱善辨何意醉語多周張
人生滿足慎所受末路顛倒亦何有須臾排決噴鯨流
衆客狂奔畏濡首今日大樂不可當老子於此成清狂
強持酒力醉歌去明日隔牆聞酒香

同李公傑孫鴻甫載酒過孫君健懷徵君

北城出郭即雲林○歲暮棲遲一徑深○環堵蓬蒿堪載酒○
隔鄰風雨聽彈琴○許衡避祿仍行道○陶令居官尚苦吟○
為憶蘇門間寄興○尚餘玄度一相尋○
時徵君寓蘇門

冬暮寄劉相國

時馮中堂欲進呈表忠記

空傳禁內索三都○未見豐城問湛盧○帝座徵文關氣象○
客星入夢動江湖○天高鶴唳憑寥廓○壁破龍飛信有無○
東閣梅花驚歲暮○上林飛盡夜啼烏○

楊猶龍自大梁移藩蜀中

中原紫氣幾時還○聞道猶龍更出關○巫峽棧雲陵谷後○

錦江春色有無間○頻遷歲月憐岐路○久別風沙惜舊顏○

萬里橋西思杜老○草堂應破古苔斑○

三年燕市隔烟霜○此夕聞君去洛陽○天送江山供好句○
人隨鴻鴈度遐荒○戍亭虎過頻防柵○驛路民稀各載糧○
川谷或存蜀父老○早傳巴檄定田桑○

送張文峰使蜀頒詔寄楊方伯

峨眉雪棧望中懸○星使迢迢欲上天○鳥道遠分巫峽樹○
龍門下見漢江船○羌黎再見皇華節○邛夔遙尊出震年○
太史西行親錫履○煩君為寄浣花箋○

戊戌

燕中初度自壽戊戌二月十六日

百年風物花朝後。九十春光穀雨前。玄海龍眠忘甲子。華陽鶴唳欲周天。文章憎命多幽賞。山水關情寡世緣。不是初辰偏作客。逃形今號地行仙。

都門胡愚也旅次逢孫維一孳廉同榻次荅

二公皆淮

人海

羸馬垂鞭扣板扉。風塵猶滿薜蘿衣。烏啼舊侶投林急。鷲覓空巢傍戶飛。落日山陽笛韻杳。春風海畔酒壚違。

應知下榻留孺子。共卧晨光入夢晞。

徽歛黃山蓮苦丁茶味甚清冽

薜茗同香味。何因號苦丁。水分雲海碧。光映藥山青。藜董虫應避。蕉漿味不靈。趨甘連衆欲。岩壑好全形。

楊丘言

卷二

七



